

ইচ্ছার আলো

এক মহান কবি হেঁটে চলেছেন মানুষের ভিড়ে
দ্রোণ, রত্ন, অশ্রুপাত তার গভীর বুকে
ধাক্কা খেয়ে খেয়ে
গোলাপের পাপড়ি হয়ে আকাশে ছড়ালো।

সংকল্প হ'য়ে কেউ কেউ তারা এগোতে থাকলো
মানুষের ভিড়ে আরো ভিড়ে
যেখানে জান্তব বাস্তব
সবকিছু পিষে মারা যান্ত্রিক জটিল ভারে
সেখানে কবিতার জীবন যুদ্ধ

এক মহান কবি হেঁটে চলেছেন সময়ের ভিড়ে
আলো ও অন্ধকারে তিনি চলেছেন
জীবন জাগাতে জাগাতে
হে সংকল্প, জেগে ওঠো
তিনি আছেন সাক্ষাতে ও আড়ালে
আলো ও অন্ধকারে
অতীত ও ভবিষ্যতে
তার ঋদ্ধ বাক্যরাশি
আকাশের কোণে কোণে, ইচ্ছার সুমহান আলো।

অরূপ বসু চৌধুরী

